



# INKESTA INKESTA INKESTA

1.- Anaitasuna irakurtzen duzu?

Eskuarki?

2.- Zure eritziz, Anaitasunak eraginik badu? Eduki du?

3.- Zer eman diezaioke Anaitasunak orain eta geroko euskal pretsari?

3.- Zer emen diezaioke Anaitasunak orain eta geroko euskal pretsari?

## BALERE BAKAIKOA

1.- Bai. Oso gustora irakurtzen dut, horregatik nauzue harpide azken hamar urte hauetan eta jarraitzeko asmoa ere badut.

2.- Zalantzarik, ez, Anaitasunak eragina duela. Eta handia ere. Badaukagu astelehen bat, Zeruko Argia, aste barruan ematen diren gertaerak eta gure herriko ekintzak kulturalak ezagutzeko, egunkariak ematen dizkigute baino sakontasun handiagorekin aztertuak. Hortik aparte, Anaitasunak, hamabostekari bezala, gure herriko eta atzerriko gertaerak batik bat denbora luzea irauten dutenak, erre-flesio, komentario edo kritika beharrean aurkitzen dira eta hau, gehienetan, oso zaila gertatzen zaie egiten astekari edo egunkariei. Beraz, paper hau bete du eta betetzen jarraitu beharko luke.

3.- a) Hizkuntz periodistikoa sortu, euskaraz ez dagoena.

b) Hizkuntz periodistiko hori landu, alde guztietatik.

c) Hizkuntza hori herriari bidali, honek ere erabiltzen ikas dezan.

d) Epe luzeagoan, euskara normalizatu, beste hizkuntzen parean ezarriaz, masakomunikabideetan euskaldunok ez gaitzen beste hizkuntz baten beharrean aurki gure artean komunikatzeko.

e) Baldintza horiek betetzen doan eran eta beteta ere: **INFORMAZIOA EMAN.**

f) Eta azkenik, idazle berriak eta euskal eskola bat sortu...

## ARANTZA URRETAVIZCAIA

1.- Irakurtzen dut, hamabostero, gaineratik... Batzutan artikuluren bat mantxoago...

2.- Ezin dut ondo erantzun. Nere inguruko jendeak ez du irakurtzen. Batetik, hamabostean behin ateratzea, apur bat aldebresa iruditzen zait. (Ez astero, ez ilabetero...)

3.- Presentzia bera.

Eta ahal balitz... euskal periodistak sortzeko laguntza.

## TXILLARDEGI

1.- Ahal dudan guztietan irakurtzen dut, eta ahal bezain zehazki. Baina, hori egia izanik ere, ezin esan nezake "Anaitasuna" nahi bezain ongi ezagutzen dudarik.

2.- Zail da erantzuten. "Anaitasunak" gainerako prentsa guztiak bezala, galdu egin duke (eraginari dagokionez). Baina, oker ez banago, bai hizkuntzaren aldetik, bai ideien aldetik ere, bere kutsua utzi du euskaltzale gazteen artean.

3.- Euskal munduaren berri eman (idazten dugunok ongi dakigu zenbat aldiz hutsune osoan erortzen diren gure lanik maitatuena!), euskaltzaleen lotura izan, idazle berrien saialekua izan, euskararen aldeko burrukan laguntzaile gertatu, eta hitz batez, gure arteko "anaitasuna" zuzpertz.

## JON MARI TORREALDAY

1.- Zebakiero irakurtzen (hobe, ikusten) dut. Gainbegiratu bat eman behintzat, beti. Artikuluren bat edo beste arreta handiagoz irakurri ere sarri. Hala ere, nahiz eta gaia berez interesatu, dakarren atzerapenagatik, askotan gaurkotasuna bakarrik ez baino interesa ere galdu egiten du.

2.- Eraginik? Nork jakin! Nik uste dexte gehiago zukeela lehenago, sortu ohi zituen iskanbilak lekuko. Lehen, uste dudanez, euskal prentsak, izan ere, protagonismo gehiago zuen. Baztertuago dago orain.

Gainera, eragina jakiteko, irakurleria ere ezagutu beharko litzateke. Nago ANAITASUNAren irakurleria neurri on batetan aldatu egin dela azken urteotan. Agian, arrakasta gehiago du gaur lortu berri duen irakurle goan, aspaldikoan baino.

3.- Zer eskain diezaiokeen euskal pretsari ANAITASUNAK?

Euskara, hasteko. Euskal prentsaren errebindikapena.

Eta baita: alderdi eta talde politikoen mota askotako dirigimotik al dagokeen prentsa-organu bat.

Ahots askotariko euskal prentsaren plataforma gisa ikusi nahi nuke ANAITASUNA.

Joan Mari Torrealday

## HARITXELAR

1.- Bai. Agertzen denean irakurtzen dut, etxeratzen baitzait.

2.- Ez da aize erantzun horri erdiestea zeren eta zuek behar duzue jakin zer nahi zenueten eragin eta, zuek behar duzue ikusi ea eduki duzuen ala ez. Uste dut prentsa batek ez duela berak beren ekintzen ondorioak neurtzen ahal.

3.- Nire ustez behar duela segitu orain daraman bidea. Bat, zabaltasuna, erran nahi dut horrekin gai guztiak proposa-